

論語異文考證

序

論語有齊古魯三家齊論語者齊人所傳別有問王

古王字三畫均

寫王字中畫近上後人讀作問王者非也

知道二篇凡二十二篇說文王部所引

逸論語卽二篇中文也魏晉而後旋即失傳古論語者出孔

壁中凡二十一篇有兩子張孔安國馬融所注是也魯論語

者魯人所傳至安昌侯張禹而又从王吉受齊論擇善而從

號曰張侯論苞氏周氏竝爲章句鄭氏康成就魯論張苞周

之篇章攷之齊古爲之注讀正者凡五十事魏何晏萃八家

之注名曰集解傳至于今然則今所習者本魯論之文而合

齊古以參校釋文載鄭注魯讀某爲某今从古其明證也蔡

邕石經爲魯論与鄭氏多不合蓋未經鄭校者也若陸氏釋

東所述微有異同今猶東論語異文攷證先成欲付梓人屬
序於潮潮竊喜治經之有同志也故忘其禱昧而冀埒名蘭
末他日拙箸定稟當持以還質之猶東嘉慶二十二年春日
馬應潮序

序

昔孔門弟子各記所聞論纂論語漢世有齊魯之說傳齊論者唯王陽名家傳魯論者唯張禹行於世號張侯論周氏包氏竝爲章句馬融爲之訓又有古論語與古文尙書同出孔安國爲傳鄭康成以張侯論參攷齊古論而爲之注魏何晏又据八家之說爲集解齊論旋亡古論亦無師說梁皇侃復引十三家說爲義疏援證精詳亦可爲後學所宗矣夫自漢以來厯世千餘年其諸儒之所傳說師資各別至或有以己意增損其文而後人傳寫又不無譌謬不特訓解互異而文字亦多不同豈非學者所窒究心與同里馮君雲伯覃挈古學於齊魯韓三家詩異文暨漢魏以下石經已博攷旁通確

爲疏證復以論語異文叢見於經史傳注諸子百家以逮石刻罔弗蒐羅遺佚萃爲一編并援前人之說稽其同異之指以闡明古義其傳引既博而詮釋復精審用力可謂勤矣今士子所誦習者唯朱子集注一書已足以資帖括少有能旁涉注疏者今得是編其可以廣見聞通古訓而庶免於專己守殘之陋矣乎嘉慶二十一年閏月李富孫拜序於吳閫客舍

序

嘉興馮柳東太史精研經訓撰石經補攷三家詩異文疏證
我師儀徵阮相國已錄入學海堂經解續編余嘗讀而序之
近復以論語異文寄余紬繹再三見其探頤索隱精審博奧
其用力可謂勤矣余嘗謂論語一書人人童而習之而俗儒
溺於章句專視爲科舉之學及問以古言古訓則杳冥而莫
知其原今太史成進士入翰林讀中秘出而從政治民課士
亦未嘗不得力於是書則古學亦何負於人哉世儒恒以此
相戒曰懼妨舉業父以此教其子師以此教其弟因陋就簡
期於速化其亦不思之甚矣論語漢有三家曰齊論曰古論
曰魯論其篇次各異安昌侯張禹受魯論於夏侯建又從庸

生王古受齊論擇善而從號曰齊侯論最後通行於世後漢
包咸周氏並爲章句鄭康成就魯論張包周之篇章考之齊
古爲之注魏何晏集孔安國包咸周氏馬融鄭康成陳羣王
肅周生烈八家之說并下已意爲集解正始中上之卽今列
于學官本是也梁皇侃又采江熙十三家之說撰論語義疏
十卷迄今猶存古言古訓燦焉大備今柳東復取各家傳述
考其異同辨其得失使學者融會而貫通之庶上有得崑山
論撰之旨下不失設科立言之教則凡有志於是書者孜孜
不倦取青紫如拾芥其嘉惠士林厥功豈不懿歟道光十四
年太歲甲午五月臨海洪頤煊撰於小停雲山館

自序

論語異文考證十卷余少受先太史之教退而編次者也
成于嘉慶一十八年後遇見管觀輒卽疏記屢有增益曾就
正于孫淵如前輩謂出翟氏考異之上亡友馬君珊林復爲
校勘將付梓而無其貲也癸巳夏同年生李君昶林視學粵
東以書索觀爰屬吳石華廣文校刊于學海堂未竣工而學
使遽歸道山石華以其版寄歸僅六卷耳爲補刊存之憶余
自闕幘受書先太史卽授以訓詁之學甫冠有志著述而
分心科舉之業幾十餘年通籍後得闕中秘幸不以案牘旬
練其心志今借一壺求息于此庶幾博壹于學乎顧齒髮漸
頽志與歲去精神念慮已不如二十年前倘再歷如是之年

當又嘆不如今日矣是則區區進學之心深懼有負先人庭
訓而故交零落不獲相與觀其成爲可惜也道光甲午九月
小長蘆馮登府自序於四明憲

論語異文攷證總目

儀徵阮相國

鑒定

貴陽李中允泰交

付刊

嘉應吳廣文蘭修

校正

卷之一

學而 爲政

卷之二

八佾 里仁

卷之三

公冶長 雍也

卷之四

述而

秦伯

卷之五

子罕

鄉黨

卷之六

先進

顏淵

卷之七

子路

憲問

卷之八

衛靈公

季氏

卷之九

陽貨

微子

卷之十

子張

堯曰

共六萬三千八百七十五字廣東廣州府西河街繡梓
齋督刊浙江寧波府千歲坊文照堂補棁

論語異文攷證卷一

學海堂校本

賜進士出身 勅授儒林郎翰林院庶吉士嘉興馮登府纂

不亦說乎皇侃本伯悅後竝仿此攷文據古本同伯悅案說
文說說釋也一日談說於懌字曰說也蓋喜悅字多假說
字悅字許氏不收當從說爲古皇本于先進篇又亡說
有朋白虎通辟雍引亡朋友鄭注同門曰朋同志曰友似有
友字釋文有或亡友非案有友古通荀子大略友者所以
相有也注友与有同義鹽鐵論引春秋傳季友亡季有是
也盧氏文昭釋文攷證云呂春秋貴直論有人自南方來
句法相似亡有字爲正案漢婁壽碑云下學上達有朋自
遠竝用論語文盧氏之說可信

其爲人也孝弟釋文弟本或作悌下同皇侃本高麗本作悌
案說文悌下徐氏曰今經典通用弟悌是新附字當作弟
詩大正思齊正義孝經事君章疏俱引論語孝悌而犯上
者鮮矣邱光庭兼明書亦作悌日本正平本亦作悌攷文
據古本同

君子務本本立而道生說苑建本引爲孔子語

孝弟也者其爲仁之本與後漢延篤傳北史孝行傳序隋書
孝義傳序並引作孝悌孝經序疏北史引與佗歟七經攷
文曰足利本作仁之本與陳陽樂書引作孔子語

其爲仁之本與漢書延篤傳及初學記人事部太平御覽人
事部引並佗爲人案古仁人通論語中如不知其仁無求

生以害仁唐石經皆佗人觀過斯知仁矣後漢書吳祐傳
引佗人漢韓勅碑四方士仁卽士人則又以人爲仁此經
上言爲人下言爲人之本義本相貫仁字爲長攷文引
足利本無爲字

鮮矣仁皇本仁鮮矣有仁攷文據古本同案包注及疏亦云
鮮矣有仁

與朋友交而不信乎皇本正平本交下有言字攷文據古本
同

傳不習乎釋文引鄭注云魯讀傳爲專今從古案說文傳从
人專聲傳本有專義又攷後漢書鄭元傳注傳魯讀爲專
鄭注傳古文佗傳攷儀禮覲禮四傳摯注傳故書爲傳杜

子春云傳當爲傳書亦或亾爲傳禮檀弓注何傳乎釋文傳一本亾傳知傳傳專以形相涉而異

道千乘之國釋文道本或亾導注及下同皇侃本高麗本同亾導攷文據古本同案古道導通易繫辭道濟天下鄭注仝導石鼓文銘數導字皆讀爲道此道字本讀如導乘漢石經亾棄案說文本亾棄

敬事而信宋石經敬亾欽下放此此避諱作也使民以時唐石經民亾旦後放此亦避諱也

出則弟釋文弟本亦仝悌皇疏本亾悌攷文據古本同司馬光荅孔文仲書王然勸學文引竝同然悌字說文所無亾弟爲正

汎愛眾左傳襄二十八年正義𠂔汎案說文泛浮也汎浮貌
汎濫也二字義殊王逸楚詞注云汎汎普悉眾也左傳正
義𠂔汎爲正今𠂔汎假字也

則以學文荀悅漢紀孝元帝論引孔子曰行有餘力則可以
學文

無友不如己者釋文母友本亦𠂔無下同宋刻九經本同𠂔
母案古母無通用然母者禁止之詞𠂔母爲正

子禽問於子貢曰釋文貢本亦𠂔贛音同案說文贛賜也貢
獻功也余正貢賜也釋文云本亦𠂔贛太平御覽五百十
三引𠂔贛古人名氏相配端木氏名賜則字當𠂔贛左傳
樂記漢書論衡漢石經竝𠂔子贛

抑與之與漢石經抑與亡意予案意与抑通說文徐鍇通論
意猶抑也含其言欲出而抑之也韓詩十月之交篇抑此
皇父云抑意也鄭箋云抑之言噫徐邈音噫噫亦卽意周
頌噫嘻定本亡意嘻外傳周語抑人故也新序禮容語篇
亡意人故也是也與予亦古同用周禮凡賜與之與與奪
之與並亡予

夫子溫良恭儉讓以得之宋石經避諱讓作邈下放此

夫子之求之也足利本作夫子求之也

其諸異乎人之求之與足利本亡其諸異乎人求之與皇疏
本與下有也字史記弟子傳與亡也皇疏本又亡人之求
之也與七經攷文曰一本亡求之也與

知和而和三句公羊傳宣九年何休注引此也孔子語漢石經也亦不行也無可字

恭近於禮二句說苑修文引也孔子語

因不失其親南史王元規傳及張說碑也姻案左傳襄公四年伯因史記夏本紀正義引世紀也伯姻白虎通嫁娶姻猶親也廣正釋詁因親也我行其野詩不思舊姻白虎通嫁娶也惟舊因蓋二字古通說文繫傳亦也姻不失其親

亦可宗也孔安國本及皇本宗下有敬字孔注本云亦可宗敬蓋古本如是

君子食無求飽儀禮公食大夫禮賈疏君子也學者無化不

案鄭注學者之志有所不暇疏引經文仍也君子不字較無字更切直

可謂好學也已漢石經也已也矣皇本也可謂好學也已矣筆解也可謂好學也矣

子貢曰皇本曰上有問字皇疏云子貢問言云云邢疏子貢以爲善故問夫子則古本當有問字也

貧而無諂二句史記弟子傳二句互易諂說文譌諛也或省作諂

未若貧而樂皇本高麗本足利本樂下並有道字唐石經初刻脫道字後亦旁增案集解引孔注云能貧而樂道孔傳古論者也史記仲尼弟子列傳及後漢東平王論並言貧

而樂道文選幽憤詩樂道閒居注引論語貧而樂道是皆
与皇侃諸本合其爲古論可知然攷前漢書引此句無道
字鄭注樂謂志於道亦無道字此从魯論故與孔異也
子貢曰詩云七經攷文云古本云他曰

如琢如磨釋文摩一本𠂔磨案摩是磨本字易繫辭剛柔相
摩學記相觀而善之謂摩左昭公十二年傳摩厲以須前
漢董仲舒傳摩民以誼梅福傳厲世摩鈍漢州備碑所謂
摩而不磷張公神碑刊鑿琢摩卽琢磨華山廟碑文字摩
滅竝以摩爲磨之證

其斯之謂與皇本與下有也字攷文據古本同

告諸往而知來者正平本者下有也字皇疏本攷文据古本

足利本竝同

不患人之不已知中論攷僞引知下有者字皇本知下有也
字攷文據古本同

患不知人也釋文亡患不知也云本或亡患已不知人也俗
本妄加字今本患不知人也案正平本亡患已攷文據古
本足利本同皇本引王肅注曰但患已之無能知也此注
各本竝脫疑古本亡患已臧氏琳云患不知與不我知也
如或知爾不患莫已知求爲可知也語意同今邢疏及集
注皆有人字亦淺人所加

居其所而眾星共之釋文共鄭亡拱俱勇反案攷文補遺據
古本亡拱孟子盡心篇注呂春秋有始注俱亡拱文選曲

水詩序運命論二注俱亡拱太平御覽天部治道部同亡
拱案古恭敬之恭供具之供拱手之拱竝假借亡共拱字
說文所無亡拱非古也鄭蓋从魯釋文反切皆陸氏屬入非原引文漢時未有反切也

一言以蔽之攷文據古本蔽亡弊

疏云此章言為政之道在去邪歸正合上章為一

道之以政文選二十八將傳論及蓮華經維摩詰所說經音

義史記漢書酷吏傳序後漢杜林傳穀梁莊八年注引道

字竝亡導皇本高麗本攷文據古本竝同案道假字然漢

石經亦亡道亡導非古也

又後漢宣張二王杜郭吳承鄭趙傳論引亦亡導下節同

有恥且格祝睦碑亡且恪洪氏适云与魯論不同殆亦借用

案西漢書亡有恥且敬敬即恪義費鳳碑有恥且恪隸辯

云尔正格至也玉篇方言格亦訓至古蓋通用

而志于學漢石經于化乎高麗本亡乎論衡寔知引亡乎義
疏本白虎通辟雍文選鮑照擬古詩注御覽學部俱亡於
翟氏灝攷異曰此經自引詩書外例用於字今獨爲于疑
乎字之誤

三十而立漢石經亡卅案石經於二十三十四十字多亡卅
卅冊唐石經亦然高麗本亦亡卅

六十而耳順筆解云耳當亡尔猶云如此也旣知天命又如
此順天也

七十而從心所欲義疏云從放也雖復放縱心意而不踰越
于法度也讀從爲縱案正平本亡縱注同翟灝攷異引柳宗

元集王安石進戒疏及東觀餘論蘇轍古史孔子傳樓鑰
攻媿集引竝亡縱心案云列子黃帝篇七年之後從心之
所念九年之後橫心之所念從字讀去聲以縱心爲聖境
之神妙僅一見于斯說六朝人喜談莊列皇氏染焉又云
釋文從字無釋唐宋人乃紛紛若此集注所以持正其音
而曰從如字

我對曰無違無漢石經亡毋案書無逸無皇曰漢石經竝亡
毋攷儀禮士昏禮夙夜毋違命注古文毋亡無此亡毋者
禁止詞于義較切急

樊遲曰漢石經遲亡遲案說文遲从辵从彳从犀籀文从犀亡遲
隸變从籀文也費鳳碑栖遲歷稔与石經同

祭之以禮論衡問孔禮運正義孟子公孫丑葬魯章指引並
無此句

孟武伯問孝章藝文類聚人部四孝類引𠂔子游問孝子曰
父母唯其疾之憂唯集編纂疏本及宋張氏栻論語說本
𠂔惟案唯惟通

不敬何以別乎漢石經以𠂔𠂔無乎字案以𠂔變𠂔𠂔諸本
皆有乎字疑石經脫去也

先生饌釋文饌鄭𠂔餽音俊食餘曰餽案說文簋食具也重
文𠂔饌特牲饋食禮注古文簋即皆𠂔餽是簋爲饌之本
字餽爲饌之古文說文不人餽字者以饌卽餽也說文新
坵有餽字徐云食之餘也馬注𠂔饌古論也𠂔餽者魯論

也

回也不愚皇本愚下有也字攷文据古本同

人焉廋哉漢石經下句無哉字案此是重文漢石經當脫去也

學而不思則罔思而不學則殆罔正平本仝罔釋文罔本又
亡罔殆依義當亡怠案篇海罔字亦亡罔說文罔或从亡
則罔或字罔本字罔又罔之省文也殆字何晏訓曰不學
而思終卒不得徒使人精神疲殆知本訓券怠之怠故陸
云當亡怠也亡殆者假借字

斯害也已皇本高麗本已下有矣字攷文据古本同晉書索
統傳攻乎異端戒在害已

孫奕示兒編已止也吾道明則異端之害人者止

諱女知之乎節韓詩外傳孔子曰由志之君子知之爲知之
不知爲不知言之要也爲子路初改服入見時語

不知爲不知皇本不知下有之字攷文據古本同

子張學干祿史記弟子傳學亡問

何爲則民服七經攷文曰古本服下有也字

舉直錯諸枉釋文錯鄭本亡措投也案包云錯置也說文措
亦有置訓鄭訓投義竝不殊漢書錯措二字每通用又竝
亡厝漢地理志五方雜厝晉灼曰古錯字賈誼傳夫抱火
厝之積薪之下注厝置也集韻厝同措後漢梁鴻傳文選
關中詩注詩閔予小子正義引論語竝亡措費鳳碑亦曰
舉直措枉禮樂記舉而錯之陸云本又亡措同措是本字

錯厝竝假借字

季康子問使民敬忠以勸文選沈約安陸昭王碑文注引

季康子問使民以敬如之何

閻若璩曰以與也

臨之以莊則敬皇疏本臨下則下竝有民字攷文據古本同則勸正平本皇侃本竝亡則民勸攷文據古本足利本同風俗通過譽歐陽歙曰舉善以教則不能者勸三國志徐邈傳舉善而教仲尼所美多以教字絕句

書云孝乎惟孝漢石經及皇本足利本乎亡于攷文據古本同釋文孝于如字一本亡孝乎案包注曰孝于惟孝者美大孝之辭也則本亡孝于惟孝斷句班固白虎通亦云孝于惟孝潘岳閒居賦孝乎惟孝是亦拙者之爲政也夏侯

湛昆弟誥孝乎惟孝友于兄弟及陶潛明卿大夫孝傳贊
張耒淮陽郡黃氏友于泉銘皆有孝乎惟孝句此以惟孝
絕句爲不可易者但于誤乎其來已久惠徵君棟曰後世
儒者据晉世所出君陳篇改孝于爲乎以惟孝屬下句以
合之又引華嶠後漢書劉平江革傳序云此殆所謂孝乎
惟孝云云知晉以前無以孝乎爲絕句者然攷閻氏若璩

引論語異讀如唐王利貞幽州石浮圖頌有云孝乎惟孝
忠爲令德宋真宗朝張齊賢奉詔亡曾子贊亦有孝乎惟
孝曾子偁焉之語太平御覽人事部引論語文亦以孝乎
惟孝亡句是不以晉時所出君陳而易之也今尙存包注
及石經皇侃本古讀之不失賴此耳

唐楊珣碑亦有孝
乎惟孝四字句

施於有政後漢鄧暉傳施之有政是亦爲政也注曰論語
是亦爲政奚其爲爲政義疏本政下有也字白虎通五經章
引亦有也字正平本亡是亦爲政也奚其爲政也其下旁
添爲字案釋文於奚其爲爲政也云一本無一爲字与正
平本正合

大車無輓新序節士亡大輿案車輿古通詳後

小車無輓案說文輓字云車輶耑持衡者从車元聲五經文
字云輶輶音月輶耑上說文下見論語及釋文隸省輶字
說文所無亡輶爲正車新序亡輿

子張問十世可知也釋文云一本亡可知乎鄭本亡可知無
也字

論語異文攷證卷一
殷因於夏禮所損益宋石經避諱殷亡商後放此漢石經損
亡損此隸變也

雖百世可知也皇本世亡廿缺筆蓋避唐諱皇本可上有亦
字攷文據古本足利本同御覽禮儀部引亦同

無勇也正平本少也字

論語異文攷證卷一終

論語異文攷證卷二

賜進士出身 勅授儒林郎翰林院庶吉士嘉興馮登府纂

是可忍也御覽居處部引無也字

以雍徹詩雍亡雖釋文撤本或亡徹案皇邢竝亡徹說文徹通也一曰相撓發也依義當亡撓徹是假借字撤字許所不收鄉黨不撤薑食唐書高宗紀減膳撤樂正与此撤字

同 不撤薑食南宋本亡徹

天子穆穆皇疏本穆穆下有矣字攷文据古本同案矣字誤衍

喪與其易也魏書禮志引無也字俞炎書齋夜話曰易字疑是具字檀弓喪具君子恥具具与易蓋相似也 包注易和易也

不如諸夏之亡也論衡問孔亡不若諸夏之亡公羊傳襄公七年注詩茗之華正義劉逵三都賦注引俱無也字

季氏旅於泰山班固述贊曰大夫臚岱侯伯僭時鄭氏曰臚岱季氏旅於大山是也小顏曰旅陳也臚亦陳也臚旅聲相近其義一耳士冠禮旅占注古文旅亡臚周禮司儀旅擯先鄭曰旅讀爲旅大山之旅後鄭曰旅讀爲鴻臚之臚陳之也二讀互異蓋臚卽旅也逸周書諡法解周公旦大師望相嗣王發旣賦憲受臚于牧之野受臚卽受旅周書盧弓左傳亡旅弓皆同字之證玉篇廣韻竝云旅祭名論語亡旅案說文有旅無旅旅卽旅之假借字

女弗能救與皇本高麗本女弗亡汝不攷文據古本同案女

汝通集說本亦𠂔汝弗不古亦通金滕王有疾弗豫孔傳
𠂔不忛大正不識不知賈誼新書𠂔弗識弗知穀梁哀六
年入者內弗受也唐石經弗𠂔不

嗚呼釋文云本或𠂔烏乎音同案說文烏部孔子曰烏呼
也取其助氣故以爲烏呼古文𠂔𠂔古文尙書烏𠂔於嗚
字口部所無呼古文尙書𠂔戲𠂔乎者假借字也

美目盼兮唐石經盼𠂔盼集編纂疏本明葛刻集解本校勘
記據十行本竝同案說文盼从目分聲引詩美目盼兮盼
恨視也二字義別𠂔盼者非也

繪事後素釋文繪本又𠂔績同案績繪古通周禮司几筵績
純注繪畫也攷工記畫績之事後素功注引論語𠂔績文

選夏侯常侍誄注引亾績禮淡衣衣純以績注績讀曰繪
玉藻緇布冠績綏注績或亾繪漢書食貨志以績爲皮幣
注繪五采而爲之文選神女賦注引蒼頡績或爲繪皆是
然攷說文繪會五采繡也引虞書亾繪績織餘也兩字義
殊繪事當亾繪說文引論語亦亾繪書亾會文選注引鄭
氏注績讀繪是舊亾績鄭以爲非義故曰讀爲繪也唐崔
鑲北岳廟碑亦引績事後素

起予者商也漢石經無者字案石經當脫去

杞不足徵也正平本亾杞不足徵

史記謂夏禮節夫子序書時語無文獻不足一句

吾不與祭董仲舒繁露祭義引孔子曰吾不與祭祭神如神

在

捫蝨新語以祭如在二句爲古語

周監於二代史記世家無於字漢書儒林傳𠄎二世代是唐人所改避太宗諱漢書猶存原文後人未盡改耳監漢華山碑𠄎鑒案詩我心匪監釋文本又𠄎鑒殷鑒不遠漢谷永傳引𠄎監二字古通用

郁郁乎文哉汗簡引古論語郁𠄎𦵏案說文𦵏有文章也臣鍇云郁郁乎文哉本𠄎𦵏假借郁字後漢書靈帝紀大常河南孟𦵏爲太尉咸陽堯廟碑河南區師孟府君郁卽其人也後漢書荀彧袁宏漢紀𠄎荀郁彧卽𦵏之省郁說文右扶風郁夷也是𦵏之假借字桂馥曰𦵏郁古今字非也子入大廟漢石經及皇侃本竝𠄎太通本毛本葛本同案古泰字太字竝𠄎大讀爲太此𠄎太非古也

釋文云大音泰明非太字唐石

經及岳珂
本並亡大

射不主皮攷異云儀禮鄉射禮篇禮射不主皮上有禮字案

疏曰禮射謂以禮樂射疏有禮字經文脫去耳余攷疏述

經文無禮字翟說非也

為力不同科馬曰力役之事亦有上中下三利為字讀平聲

爾愛其羊唐石經爾亡女案皇本高麗本及漢書律歷志注

引亡汝攷文據古本亦亡汝汝女同

人以為諂也高麗本無也字

哀而不傷鄭康成注云哀世夫婦不得此人不為減傷其愛

箋詩云哀字之誤當為衷衷謂中心恕之鄭先注論語後

箋詩兩說互異

哀公問社於宰我釋文社鄭本亡主鄭曰主田主謂社案孔

注凡建邦立社各以其土所宜之木宰我不本其意妄爲之說因周用栗便云使民戰栗孔所本古論語無主字鄭所據魯論也攷周包張等竝以爲廟主而春秋文二年丁丑亾僖公主公辛曰虞主用桑練主用栗何休杜預卽引論語此文爲證亦用魯說案此哀公第問社義宰我以古者立社各樹其土所宜木以爲名如邢疏夏都安邑宜松殷都亳宜柏周都豐鎬宜栗是也鄭氏雖从魯論謂田主卽周禮大司徒言田主各以其野之所宜木遂以名其社與其野謂依其野所宜木以棲田神非以木爲田神木主故鄭曰謂社仍从孔說也攷社主用石不用木安得以木爲主司徒所言以木名社者蓋謂以松曰松社以栗曰栗

社之例朱子本孔注而增以爲主三字謂以樹爲社主遂啓異說矣當以古論爲正

使民戰栗皇本高麗本栗下有也字攷文據古本同

管仲淮南子繆稱訓說苑君道篇亡筦案說文管如箴六孔筦竽也二字義別然古通用漢書食貨志上筦子曰注地理志河南郡中牟注劉向傳周大夫尹氏筦朝事注賈誼傳筦子曰注竝云筦与管同漢禮樂志鐘石筦弦鼂錯傳齊桓公得筦子谷永傳昔龍筦納言皆以筦爲管詩執競磬筦將將說文引亡磬管楚楚知古二字通用

焉得儉皇本高麗本儉下有乎字攷文據古本足利本同然則管仲知禮乎義疏本然則上有曰字足利本高麗本攷

文據古本竝同御覽引論語曰或謂管氏知禮乎

邦君樹塞門漢石經邦亡國下同此爲避漢高帝諱而改
管氏亦樹塞門攷文據古本亦下有有字

有反玷毛本玷誤玷

孰不知禮皇疏本禮下有也字攷文據古本同

子語魯大師樂曰注疏本大伦太通本及毛本葛本竝亡太
七經攷文補遺曰古本語亡謂

樂其可知也皇本也下有己字攷文據古本古訓據高麗本
竝同攷文又據足利本已在也字上

翕如也五句史記世家曰始作翕如縱之純如皦如繹如也
以成略去三也字

從之釋文鄭曰從讀曰縱縱之謂入音皆佗案何曰從讀曰縱言五音既發放縱盡其聲是鄭何同也史記及後漢書班固典引注竝亡縱之四書湖南講云從讀如字是接連箸始佗不閒歇也

純如也唐石經避憲宗諱亡紉

以成皇本成下有矣字攷文据古本同

君子之至於斯也皇本高麗本也亡者攷文据古本同

何患於喪乎劉敞七經小傳曰喪讀如問喪之喪失位爲喪是時仲尼去大夫故曰喪也

天下之無道也久矣七經攷文云古本無也字案此指高麗本而言

又盡善也漢書董仲舒傳引也亾矣上矣下也語意不同錢宮詹大昕謂當是古本今漢書亦改亾也惟宋景祐本是矣字西漢策要與景祐本同攷文云古本也上有矣字

里仁爲美高麗本美亾善文選潘岳閒居賦注亦引仁善案集解引鄭曰里者民之所居也居於仁者之里是爲善也閒居賦注引亾人之所居當避諱而改義疏云文云美而注云善者夫美未必善故鄭溪明居仁者里必是善也案此鄭本亾善猶有高麗本及集解可据也

擇不處仁思元賦注亾宅案王伯厚云張衡思元賦注引論語里仁爲美宅不處仁里宅皆居也蓋古文云然今以宅爲擇而謂里爲所居乃鄭氏訓解而何晏从之當以古文

爲正案劉璠梁典署宅歸仁里亦宅字鄭注求善居而不處仁者之里不得爲有知也是鄭意以宅爲擇蒙謂依古義里宅是重文不知宅亦有擇義釋名宅擇也擇吉處而營之宅又通度度有求度之義也

唐銀青光祿大夫口憲墓志宅乎中庸卽

擇手
中庸

焉得知皇本高麗本宅智下知者同說苑貴德引文宅智御覽人事部同案論語多知字借字也孟子多智字本字也依說文當宅智

不可以長處樂七經攷文曰古本樂下有也字

惟仁者皇本宋石經宋刻九經惟宅唯翻宋本及唐石經論語解本集說本十行本並同案說文唯諾也惟凡思也毛

詩多用維字尙書禮記用惟字左傳論語多唯字此古今文也

無惡也漢石經無也字案高麗本亦無也字釋文惡如字又烏路反

不處也論衡問孔刺孟竝引亾不居也後漢陳蕃傳鹽鐵論竝亾不居也

是人之所惡也高麗本無也字下不去也亦無也字阮氏校勘記曰是人之所欲也及下是人之所惡也兩也字疑後人所加初學記十八文選幽通賦注引此二段皆無也字又晉皇甫謐王沈二傳竝云富貴人之所欲貧賤人之所惡亦無也字又後漢李通傳論陳蕃傳注晉書夏侯湛傳

文選鮑照擬古詩注太平御覽四百七十一單引此句亦無也字四書攷異云此也字唐以前人引述悉略去未必不謀盡同也恐是當時傳本如此校勘記又以古人引書每多節省况有義疏可證以攷異爲非余謂高麗本無也字可据以知古本實無也字校勘記前說是也不去也疏不可違而去之本無也字皇本之下有也字不處也疏亦云則仁者不處亦無也字皇本處下有也字是与高麗本不同也

我未見好仁者漢石經無者字案石經于下句惡不仁者有者字疑古本如是

其爲仁矣三國志顧雍傳注曰惡不仁者其爲仁也

有能一日用其力於仁矣乎皇本仁下有者字攷文補遺据古本同力不足者皇本下有也字高麗本亦有也字攷文据古本有也字文苑英華盧照鄰乞藥直書引亦有者字蓋有之矣皇本高麗本矣也乎

人之過也皇本高麗本人也民案人字沿唐諱而誤

觀過斯知仁矣後漢書吳祐傳也人案古人仁本通此也人字較明

夕死可矣漢石經矣也也案皇本引樂肇注云誠令道朝聞於世雖夕死可也則亦也字

君子之於天下也白虎通諫諍佗君之于臣無適無莫義之與比

無適也無莫也釋文適鄭本𠂔敵莫鄭音慕案古適通敵禮
燕義君獨升立席上西面特立莫敢適之義也注讀爲敵
雜記大夫討于同國適者注適讀爲匹敵之敵謂爵同也
史記范雎傳攷適伐國田單傳贊始知處女適人開戶後
如脫兔適不敢距義亦𠂔敵人之敵荀子君道篇天子四
海之內無客禮告無適楊注適讀爲敵李斯傳羣臣百官
皆畔不適徐音征敵之敵是並以適爲敵之證莫釋文引
鄭注謂無所貪慕何晏亦本此訓莫慕一聲之轉當云鄭
讀爲慕不當云音也范甯以適莫爲厚薄一切經音義雜
摩詰經上適莫注謂無人無相也安適主適也亦敵也莫
猶慕也亦本鄭注

義之與比皇本比下有也字攷文據古本同

君子懷刑漢石經刑亡刑案說文刑罰臯也从井从刀刑到也二字義別刑罰字當从井井法也說見余漢魏石經攷異

能以禮讓爲國乎何有後漢書劉愷班昭傳賈逵上書曰孔子稱能以禮讓爲國於從政乎何有列女傳曹世叔妻上疏曰論語曰能以禮讓爲國於從政乎何有

患所以立王荇潛夫論貴忠引孔子曰不患無位患已不立不患莫己知皇疏本高麗本知下有也字案皇本注亦有也字攷文據古本同

吾道一以貫之皇本高麗本之下有哉字七經攷文云古本

言言身之要言之二
之下有哉字蓋指此

夫子之道忠恕而已矣風俗通過譽篇引孔子曰君子之道忠恕而已金樓子立言篇亦以君子之道忠恕而已矣爲孔子之語

見賢思齊章御覽人事部引論語見上有君子二字七經攷文云古本不賢下有者字此卽指高麗本

又敬不違皇本敬下有而字攷文据古本同攷文補遺又据古本敬下有而以二字

勞而不怨攷文補遺曰古本無而字案此指高麗本

不遠游七經攷文云古本不上有子字案皇本正也子不遠游

可謂孝矣攷文補遺云古本矣𠄎乎

古者言之不出皇本𠄎古之者言之不妄出也攷文据古本同又云一本無古下之字高麗本出下有也字按包注古人之言不妄出口或古有妄字

不可不知也文選閒居賦注引無也字

以約節漢書外戚傳傳不云乎以約失之者鮮無矣字後漢書王暢傳以約失之鮮矣注曰論語文

君子欲訥於言史記萬石君張叔傳欲訥於言注云訥字多𠄎訥玉篇訥或𠄎訥一切經音義十一訥古文同訥漢書瑕邱江公傳集注訥古訥字集解引徐廣亦云訥字多𠄎訥案說文訥言難也紉絳也訥字許氏不收𠄎訥爲正漢

言部上二下言分二
書注以訥爲古訥字非也巳細者假借也

事君數鄭注數數己之功勞也梁武帝本此說

論語異文攷證卷二終

論語異文攷證卷三

賜進士出身 勅授儒林郎翰林院庶吉士嘉興馮登府饗

子謂公冶長論衡問孔謂亾曰長家語亾萇案范甯曰公冶
名芝字子長古人名字相配似从萇字爲正然攷隰有萇
楚尔正亾長楚後漢書靈帝紀父萇世封解瀆亭侯河閒
王開傳亾長西魏歧法起造像記無病萇年東魏敬使君
碑陰萇社令皆長字二字古通

雖在縹緲之中唐石經繼亾緲此避唐諱緲唐以後字也釋
文及皇本高麗本南宋石經尙亾繼縹仲尼弟子傳亾累
漢書司馬遷傳亾累說文累一曰大索也縹是累之別體
累是索之隸變亾累爲正累通羸易大壯羸其角馬注羸

大索也鄭本亡繫

邦有道不廢二句史記論衡述兩邦字並譚國刑戮攷文云
古本亡劉

子謂子賤章史記弟子傳無若人二字新序雜事引亡君子
哉子賤

賜也何如攷文補遺曰古本亡如何史記弟子傳亡賜何人
也古本卽高麗本

女器也皇本女亡汝案女汝同

瑚璉也說文亡璉徐鉉曰俗亡璉案古祇亡胡連春秋左氏
傳胡簋之事禮明堂位夏后氏之四連漢禮器碑胡輦卽
胡連惠氏棟九經古義言之詳矣攷胡連本瓦器而飾以

玉賈公彥謂亦以木爲之知从玉从木竝後人所加旁至
夏曰瑚殷曰璉賈逵服虔及包鄭皆相沿如此据明堂位
當知是誤案孟郁修堯廟碑瑚字又作瑚可知胡連本瓦
器故後人又加土旁也皇本作瑚連

焉用佞攷文補遺据古本佞下有也字案此指高麗本而言
禦人以口給七經攷文曰足利本無口字

屢憎於人七經攷文曰古本人作民案高麗本作屢憎於民
不知其仁焉用佞唐石經初刻作仁後磨改作人皇本作仁下
佞下各有也字高麗本同

子使漆雕開仕漢書人表開作啓案開景帝諱也史記作漆
彫開字子開管子大匡衛公子開方呂覽作啓方夏后啓

史記亡后開微子啓亡子開正同雕釋文亡彫又曰或亡
凋案彫是本字唐石經及皇本高麗本並亡彫攷異据宋
石經亦亡彫凋假字也邢本誤亡雕而亭林顧氏反以唐
石經爲誤失之矣詳見唐石經誤字辨

乘桴浮于海皇本于亡於論語解本七經攷文据古本及文
選嘯賦引同於本古文烏尔正釋詁于於也爲古今字論
語例用於字亡于者誤寫耳說文桴棟名尔正庶人乘桴
注併木以渡桴是假字當亡桴又說文羗字下引孔子曰
道不行欲之九夷乘桴浮于海玉篇引乘桴于海無浮字
後魏弔比干墓文又引亡乘桴此隸變也

其由與皇本高麗本由下有也字漢書地理志注引亡其由

也與御覽人事引同程伊川經說柳宗元乘桴說竝有也
字

好勇過我無所取材釋文一讀過字絕句集解引鄭曰一曰
夫子歎其勇曰過我無所復取哉言惟取於己也古字材
哉同耳案在載哉等字俱从才才与哉通古文苑崔瑗張
平子碑往才女諸邢昺尔正疏云哉古文才古才材亦同
易繫辭兼三才而兩之唐石經才材漢書賈誼傳吳公聞
其秀材注与才同莊子徐无鬼天下焉有成材釋文材本
才才是才材哉三字通耳案鄭本以材爲桴材而復以爲
哉兩存其說古今論之異戾也

孟武伯問子路仁乎史記弟子傳才季康子問

可使治其賦也釋文引孔云兵賦也鄭云軍賦梁武帝云魯
論亡傳案傳通敷廣正傳敷也前漢宣帝紀引書敷奏以
言亡傳禹敷土夏本紀亡傳師古曰傳讀曰敷敷亦通賦
左傳僖公二十八年引夏書賦納以言是三字竝得假通
可使與賓客言也文選薦福衡表注引無也字

女與回也皇本女亡汝下同

回也聞一以知十七經攷文云古本無也字釋文聞本或亡
問字非案二字通檀弓問喪於夫子乎問本亦亡聞莊子
庚桑篇因失吾問元嘉本亡聞竝見釋文荀子堯問篇不
問卽物少至楊注聞或亡問

聞一以知二七經攷文云古本下有也字

吾與女弗如也包注云吾與女俱不如者蓋欲以慰子貢心也毛氏奇齡云雖屬淺說然從來說只如此陳晦伯亡經典稽疑引論衡問孔篇曰吾與汝俱弗如也魏志夏侯淵字妙才曹公下令曰淵虎步關右所向無前仲尼有言吾與爾俱弗如也後漢書曹操祭橋元文仲尼侮不如顏淵注引論語吾與汝俱不如也皆是又案世說新語文學注引鄭元別傳馬融謂盧子幹曰吾與女皆不如也是舊說本然也釋文吾與爾本或亡女音汝亡爾与魏志合

宰予晝寢鄭注寢臥息也漢並未有解亡繪畫寢室者周書蘇綽傳若刀筆之中而得澆偽則是飾畫朽木說目一時不可以充榱桷之用也此卽論語晝寢之說梁武帝讀爲

言言身之五言卷之二
寢室之寢畫爲畫韓昌黎亦主之翟灝攷異引齊東野語
曰嘗見侯白所注論語謂畫當亡畫侯白隋人翟云當与
今女畫之畫同寢如漢書兵寢刑措之寢謂休息也宰我
畫限其功以冀休息亦本侯說而增會之錢坫曰說文寢
病臥也依字當从此

朽木漢書董仲舒傳佗腐朽之木

不可雕也釋文及邢本彫亡雕案皇本高麗本亡彫爲正唐
宋石經論衡問孔董仲舒策詩大正核樸正義並引亡彫
攷文据古本攷異据宋刻本亦亡彫

糞土之牆釋文曰糞本或亡真同案說文米部無糞字土部
坵字下云埽除也讀若糞曲禮凡爲長者糞之禮注糞除

穢也則埤卽糞字真亦說文所無

不可朽也釋文朽或𠂔朽史記弟子傳漢書董仲舒傳𠂔朽
御覽一百八十七居處部𠂔朽案皇本正𠂔朽攷文据古
本同高麗本𠂔朽玉篇𠂔朽宋石經誤𠂔朽案說文朽所
以涂也關西謂之朽關東謂之椶朽說文所無俗字也
於予與何誅論衡問孔與𠂔予於予與改是與亦𠂔予

申枏釋文及正義引鄭曰申枏孔子弟子申續釋文又云史
記申棠字周家語申續字周也案申枏卽申棠二字通詩
子之昌兮俟我乎堂兮箋堂當爲枏是堂枏本通左氏傳
夫槩爲堂谿氏吳越春秋𠂔棠溪是堂棠亦通困學紀聞
引後漢王政碑有蒹葦之繁無申棠之欲王云亦以枏爲

棠又案史記申子棠字周今本棠也舊禮殿圖也無申續

家語申子續字子周今本續又也續無申棠疑申續申棠亦即一

人唐開元申棠申振並封宋祥符仍之史記索隱棠振並

列今所傳禮殿圖有棠無振明嘉靖九年存振去棠我里

朱氏彝尊亡孔子弟子攷三人並列皆惑于古今文字傳

寫之參差耳

夫子之文章節漢書睦兩夏侯京翼李傳贊子貢曰夫子之

文章可得而聞夫子之言性與天道不可得而聞已矣皇

本同匡繆正俗引亦亡已矣此魯論也攷文云古本亡已

矣孔子世家亡夫子之言天道與性命弗可得聞也已足

利本同漢書外戚傳注亡也已矣高麗本同此是古論

子路有聞未之能行攷文補遺云古本未之亡之未又一本無之字案皇本高麗本無之字

是以謂之文也攷文云足利本無也字

有君子之道四焉攷文補遺云古本無之字

其行己也恭文選袁彥伯三國名臣序贊注引論語子曰

君子其行己也恭

久而敬之皇本高麗本而下有人字攷文据古本足利本同有人字

山節藻梲釋文梲本又亡楹案尔正梁上楹謂之楹釋文梲本又亡楹雜記山節而藻梲鄭注梲侏儒柱也釋名楹儒梁上短柱楹儒猶侏儒以短故名包鄭竝以梲爲梁上楹

說文桷木杖也椳木也桷是椳借字藝文類聚又亡案案
余正桷謂之棗注卽楹疏梁上短柱桷案亦一物耳

何如其知也攷文補遺云知亡智古本也案皇本正亡智

三仕爲令尹御覽品藻門亡三任爲令尹此當是形相涉而

譌

必以告新令尹何如皇本高麗本如下有也字

未知焉得仁釋文知如字鄭音智注及下同案孔注但聞其

忠未知其仁是与鄭異也義疏引李充日子玉之敗子文

之舉舉以敗國不可謂智也賊夫人之子不可謂仁是卽

鄭讀知爲智之說也論衡問孔引此及漢書人表亦讀如

智表于仁人下卽列智人知古讀如是中論智行篇或曰

仲尼言未知焉得仁乃高仁耶對曰仲尼此亦有所激然
非專小智之謂也亦亡智字崔子節義疏亦引李充曰違
亂求治不污其身清矣而所之無可驟偁其亂不如甯子
之能愚蘧生之可卷未可爲知也絜身而不濟世未可謂
仁也亦本鄭義

崔子弑齊君釋文引鄭魯讀崔爲高今从古案惠棟引論衡
別通篇云猶我大夫高子也安能別之亦据魯論釋文弑
本又亡殺案二字古通詳見唐石經誤字辨

棄而違之唐石經亡弃案石經棄避世亡弃弃古棄字也則
曰高麗本竝亡則又曰

違之之一邦皇疏亡違之之至他邦高麗本亡違之之至一

言言集卷三
邦攷文曰足利本亡違之至一邦

季文子三思而後行子聞之曰再斯可矣唐石經亡再思可
矣皇本高麗本攷文据古本足利本再下有思字吳志注
引志林亦亡再思案季文子三思而後行爲當時傳語夫
子只許其再思鄭注及義疏竝从此說則古本本亡再思
也

邦有道則知七經攷文曰知古本亡智案皇本正亡智文選
三國名臣序贊注亦引亡智邦毛詩抑篇傳亡國下句同
正義曰此論語說邦諱亡國後人改也

其知可及也御覽人事部兩引知亡智無也字
狂簡卽狂狷孟子亡狂獯狷字說文所無

不知所以裁之七經攷文云古本之下有也字案皇本高麗本正有也字史記孔子世家不知上多一吾字按皇疏我當歸以裁制耳似本有吾字又文選頭陀寺碑文注引不知所以裁製疑之字本制字之誤

孰謂微生高直國策微亡尾高誘以爲魯人卽論語之微生高也案微与尾通書堯典鳥獸萃尾路史引亡萃微史記五帝本紀引亡字微說文尾微也釋名曰尾微也承脊之末稍微殺也古今人表有尾生高尾生晦師古曰卽微生高微生畝也

或乞醯焉攷文補遺曰古本或上有人字案高麗本正如此釋文醯亦亡醯俗字也

巧言令色足恭釋文一本有子曰字恐非孔氏曰足恭便辟

兒邢疏曰此讀足如字謂便習盤辟其足以爲恭也大戴

禮足恭而口聖君子弗爲也書罔命孔傳亦同

釋注謂端足之足

孟各言爾志七經攷文曰古本言亡曰案高麗本正亡曰

衣輕裘唐石經初刻無輕字旁注輕字案當从初刻爲正旁

注蜀所增也錢宮詹大昕曰此宋人妄加攷北齊書唐邕

傳顯祖嘗解服青鼠皮裘賜邕曰朕意在車馬衣裘與卿

共敝蓋用子路故事是古本無輕字一證也釋文于赤之

適齊節音衣爲於旣反而此衣字無音是陸本無輕字二

證也邢疏云願以己之車馬衣裘與朋友共乘服是邢本

亦無輕字三證也皇疏云車馬衣裘共乘服而無所憾恨

是皇本亦無輕字四證也今注疏与皇本正文有輕字後人依通行本增入非其舊矣蒙謂衣裘之說錢說是矣而古讀俱以敝之絕句橫渠張氏云仲由樂善故車馬衣裘喜與賢者共敝以願字至敝之爲句何義門讀書記引白虎通通德三綱六紀篇以共敝之爲句謂張子所本案白虎通有輕字竹汀引唐邕傳亦以共敝絕句是古讀如此本朝石經亦依唐石經無輕字

敝之而無憾皇本敝亡弊攷文据古本同案亡敝爲正朋友信之少者懷之韓詩外傳四卷六卷皆引老者安之少者懷之朋友信之

不如上之好學也七經小傳本好學下有者字案高麗本同

攷文云古本亡好學者也已又案衛瓘曰焉安也焉字屬此句讀

可使南面攷文補遺曰古本面下有也字案高麗本合

仲弓問子桑伯子釋文引鄭子桑秦大夫案秦公孫枝字子桑据左傳載子桑偁其能知人舉善与臨民合家語桑戶不衣冠而處同人道於牛馬莊子所謂子桑戶是也說苑修文篇孔子見子桑伯子不衣冠而處故仲弓曰太簡与家語合然桑戶特一放僻之流耳定其品亦不過列隱者一輩上下文南面臨民何如事而忽漏一絕俗逃世于其閒乎儼人不倫豈是聖賢問荅耶至包注但偁伯子王注謂伯子書傳無見當从鄭爲正

以臨其民說苑修文引亡以道民案以臨爲道避漢諱也

哀公問弟子孰爲好學攷文古本問下有曰字案皇本高麗本問下正有曰字論衡問孔兩引一亡哀公問孔子一亡孰謂好學文選懷舊賦注引亡哀公問孔子弟子孰爲好學孔子曰有顏回者無好學二字楊仲武誄注引亦無好學字

今也則亡釋文曰本或無亡字卽連下句讀論衡問孔引此句在不遷怒二句之上

冉子爲其母請粟史記弟子傳亡冉有

原思爲之宰晉語官宰食加韋注引論語亡原憲爲家邑宰曰賜也達皇本曰上有子字下求也藝句同攷文据古本足

利本及高麗本竝同

爲費宰正平本亡弗宰旁注費字

如有復我者樂史太平寰宇記引傳云若有復我者

則吾必在汶上矣釋文云一本無吾字鄭本無則吾二字史記弟子傳同此古論也

自牖執其手朱注禮病者居北牖下案北牖當亡北墉喪大記北牖下鄭注一亡北墉孔氏疏舊注音容明是墉字儀禮既夕禮寢東首于北墉下皆亡墉牖字是沿喪大記之訛攷北牖是社屋之制郊特牲亳社北牖謂所以絕陽光而通陰氣喪國之社屋如此若居室無北面開牖者金氏履祥曰室之西北隅雖有小圓窗謂之屋漏則亦不名牖

矣包注牛有惡疾不欲見人孔子從牖執其手史記偁牛有惡疾淮南子偁伯牛癩疾或事之有然者朱氏彝尊云齊魯之閒土牀皆築于南牖下夫子遂從牖執手眠之此說是也而未知牖是墉之誤朱子謂君來視遷于南牖下伯牛家以南面尊夫子与古義異矣

亡之新序亡末之案漢書楚孝王傳成帝詔曰夫子所痛曰蔑之命矣夫師古曰蔑無也末蔑一聲之轉末亦無也亡讀如無七經攷文補遺曰古本之亡也案注云喪之皇本之亡也知經文本如此

命矣夫二句史記弟子列傳亡命也夫斯人也而有斯疾命也夫此古論也

在陋巷鹽鐵論地廣章引在下有於字陸賈新語慎微篇引巷下有之中二字後漢樊英傳注引亦有之中二字

非不說子之道攷文曰古本說亡悅案皇本正亡悅高麗本道下有也字

力不足也後漢光武帝紀太子報桓榮引冉求曰非不說子之道力不足者

今女畫七經攷文云女古本亡汝案皇本正亡汝

女爲君子儒皇本女亡汝高麗本亡爲君子儒

無爲小人儒高麗本足利本無亡毋說見前

女得人焉爾乎女皇本亡汝爾毛本葛本亡耳後漢書章帝紀注唐石經玉篇南宋石經宋本九經岳珂本並亡焉耳

乎皇本高麗本攷文据古本足利本又亾焉耳乎哉案孔注焉耳乎哉皆辭也疑古論如此攷說文尒言言之必然也後通亾爾耳是借字太平御覽職官居處二引亾尔人事部引又亾耳

有澹臺滅明者攷文曰古本澹亾儋注同

孟之反不伐毛本之亾子

不有祝鮀之佞左傳古今人表亾祝佗案佗古与陀鮀通鮀亦同音

而有宋朝之美朱子或問侯氏曰而字疑爲不字集注攷證曰而字猶與字古書兩事相兼者每以而字中方之案古而如每通用而字當亾如字解

誰能出不由戶皇本戶下有者字攷文据古本足利本同
文質彬彬說文𠂔份案說文份文質備也引論語此文又彬
字云古文份兼存古今文玉篇亦引𠂔彬彬包鄭注並从
彬

人之生也直筆解云直字當爲惠之誤案德古𠂔惠与直原
相近然直卽直道而行之義字無可疑豈文相近而誤耶
筆解往往穿鑿如此皇本無之字攷文補遺云一本𠂔人
生之直所主本𠂔人之生直

罔之生也幸而免論衡幸偶引孔子曰人之生也直罔之生
也幸無而免字

知之者高麗本𠂔知者此當脫去

問仁曰皇本仁下有子字攷文据古本足利本同

知者樂水藝文類聚人部五智類太平御覽地部引知亡智
下同案皇本亦竝亡智

觚不觚馬注觚禮器也一升曰爵三升曰觚觚不觚以喻爲
政不得其道何注同王肅謂當時沈湎于酒故曰觚不觚
言不知禮也邢疏謂禮器所以盛酒言觚者用之當以禮
若用之失禮不成爲觚也毛氏奇齡力主王說謂戒淫酗
而發說最異者然於聖意終淺而或曰木簡或曰花觚俱
屬淺說蒙謂觚當亡柤說文柤棧也眾經音義十八引通
俗文四方爲棧八棧爲柤是柤以方得名當時有破柤爲
圓者故夫子借物制之易歎當世典禮有其名而皆失其

實与拜下一款正同朱注觚棧也當亡觚爲古

仁者雖告之曰攷文補遺曰古本雖亡縱

并有仁焉劉聘君曰仁當亡人朱子从之論語解本正亡人
案皇本高麗本足利本竝亡并有仁者焉孔注宰我以仁
者必濟人於患難故問有仁人墮井將自投下從而出之
否乎欲極觀仁人憂樂之所至也此古論說本如是義亦
甚明似無煩改字聘君白水劉勉之致中也爲朱子婦翁
又嘗受學者張南軒本改正文爲人字

其從之也皇本也亡與攷文据古本同

君子博學於文釋文曰一本無君子字兩得案後漢書范升
傳云孔子曰博學於文云云知本無君子字

亦可以弗畔矣夫唐石經初刻畔亡叛後磨改

子路不說七經攷文曰古本說亡悅案皇疏本正亡悅說見前

夫子矢之曰予所否者案矢之訓不一蔡謨以矢爲陳云尙

書敘臯陶矢厥謀春秋公矢魚于棠皆是

案尔正矢陳也廣正戾陳也與

矢通釋名矢指也蒙謂不如从鄭以矢爲誓以否爲不矢誓

通見虞翻周易注孔注亦以矢爲誓予所不者卽左氏傳

僖公二十四年重耳曰所不與舅氏同心者同一文法說

文否不也王弼李充讀爲否泰之否論衡問孔亡予所鄙

者竝失之義疏引繆播說亦以否爲不史記世家本亡不

按楊用脩丹鉛總錄引孔鮒樂肇二說謂矢者直告之非

普也否音否塞之否其說甚異筆解與蔡王李充之說合
天厭之攷文曰古本厭亡壓案說文厭竿也徐曰竿壓也是
厭本有壓訓前漢杜鄴傳折衝厭難注厭者壓也禮記畏
厭溺左氏傳將以厭眾皆壓字楚詞七諫厭白玉以爲面
兮注厭著也廣正壓著也竝厭通壓之證天厭之或當時
有此咒語故子借矢之也論衡問孔曰有臥厭不悟者謂
此爲天所厭耶此亦壓竿之義

中庸之爲德也風俗通過譽引孔子稱大哉中庸之爲德其
至矣乎周禮師氏注引亦無也字

如有博施於民而能濟眾皇本高麗本有亡能眾下有者字
攷文据古本足利本同

必也聖乎白虎通聖人引論語曰聖乎堯舜其猶病諸

論語異文攷證卷二終